




ABARINZI B'IGIHANGO 2015-2016 KU RWEGO RW'IGIHUGU

No	AMAZINA	UMWIRONDORO	IKORWA BYAMURANZE
1	<p style="text-align: center;">NTAMFURASILAS</p> 	<p>Yavutse: 11/01/1969 Amazina y'ababyeyi Se: NDAYAVUZE Mathias Nyina:UZAMUKUNDA Daphrose Aho yavukiye Akarere: Musanze Umurenge: Gashaki Akagari: Ntarama Aho atuye Akarere: Bugesera U murenge: Rilima Akagari: Nyabagendwa Umudugudu: Karama Yashakanye na MUKAGASHUGI Providence, babyaye abana barindwi, bose bariho.</p>	<p>Ntamfura Silas yitandukanyije n'umugambi wo kwica Abatutsi mu gihe cya Jenocide muri 1994 yakorewe Abatutsi ahungishiriza abagera kuri 20 i Burundi aho na we yaje guhungira atangiye guhigwa. Yakomeje kugira uruhare mu bikorwa by'ubumwe n'ubwiyunge.</p>
2	<p style="text-align: center;">NDAGIJIMANA CALLIXTE(+)</p>	<p>Yavutse mu 1965 Se: Kamonyo Léopord (yatabarutse 1975) Nyina: Nyirakaje Félicité Aho yavukiye: Akarere: Kamonyi Umurenge: Nyamiyaga Akagari: Bibungo Umudugudu: Karubanda. Ndagijimana Callixte yitabye Imana yarashakanye na Mukabalisa Oliva ubu ariho; bari batarabyarana umwana numwe, mu muryango wabo wa Callixte bari abana batandatu, abakobwa batatu n'abahungu batatu. Abahungu babiri barapfuye (Callixte yappfuye muri Jenocide undi muvandimwe we aza gupfa nyuma ya jenocide). Umukecuru we abana n'umuhungu we mukuru witwa GASIGWA Karoli mukuru wa Callixte) arubatse afite abana bane.</p>	<p>Ndagijimana Callixte yanze ko Abatutsi bicwa muri Komine Mugina yayoboraga. Yifashishije ubumenyi mu bya Gisirikare yari yarakuye mu ishuri rikuru rya gisirikare Ecole Supérieure Militaire (ESM) yagerageje guhangana n'ibitero by'interahamwe.</p> <p>Yakanguriye abaturage bo muri Komine yayoboraga kutitabira ubwicanyi kandi akajya no guhumuriza impunzi zari zahungiyeye kuri Paruwasi Mugina. Bamaze kubona ko Jenocide itazashoboka akiriho bamutumije mu nama ku cyahoze ari Perefegitura ya Gitarama, maze ubwo yatahaga bamwicira muri Komini Ntongwe.</p>


ABARINZI B'IGIHANGO 2015-2016 KU RWEGO RW'IGIHUGU

3	<p style="text-align: center;">MUKASARASI GODELIVE</p> 	<p>Aho Yavutse: 15/12/1956 Ababyeyi Se: Mutarambirwa Félicien Nyina: Kanzage Félicité Aho yavukiye : Akarere: Muhanga Umurenge: Rongi Aho atuye Akarere: Kamonyi Umurenge: Rukomo Akagari: Taba Umudugudu: Nyarusange Yashakanye na Rudasingwa Emmanuel mu 1980, babyarana abana batanu. Abariho ni batatu abahungu babiri n'umukobwa umwe. Umugabo we n'umwana wabo umwe bitabye Imana mu 1996 bishwe n'abacengezi.</p>	<p>Mukasarasi Godelive yagize uruhare mu gufasha abapfakazi ba Jenoside gukira ibikomere, kwiyubaka no kwiteza imbere. Yakoreye ubuvugizi abagore bafashwe ku ngufu, abatinyura gutanga ubuhamya ku byababayeho no kwakira abana bavutse kuri iryo hohoterwa. Yagize uruhare mu bikorwa bihuza abantu mu byiciro bitandukanye hagamijwe guteza imbere umuco n'indangagaciro nyarwanda.</p>
4	<p style="text-align: center;">GISAGARA JEAN MARIE VIANNEY(+)</p> 	<p>Yavutse mu 1966 Amazina y'ababyeyi Se: Kanyandekwe Canisius Nyina: Mukankundiye Venantie Yavukiye mu cyahoze ari Komini Nyabisindu, Umurenge wa Busasamana. Ubu ni Akarere: Nyanza Umurenge: Busamana Akagari: Rwesero Umudugudu: Gatunguru Yize amashuri yisumbuye mubijyanye n'amategeko. Yashakanye na Ufitikirezi Rose nawe waje kwicwa muri Jenoside. Babyaranye abana babiri umuhungu n'umukobwa bombi barokotse ubwicanyi bwo muri jenoside.</p>	<p>Ubwo yari Burugumesitiri wa Komini Nyabisindu, Gisagara Jean Marie Vianney yanze ko muri Komini ye haberamo ubwicanyi. Yakanguriye abaturage n'abakonseye kutitabira ubwicanyi anagerageza gukumira interahamwe zavaga aha hoze ari Komini Rukondo afatanije n'abapolisi ba Komini. Yishwe ashinyaguriwe kugira ngo batinyure abaturage ba Nyabisindu kwitabira Jenoside.</p>

ABARINZI B'IGIHANGO 2015-2016 KU RWEGO RW'IGIHUGU

5	<p>KABERA CALLIXTE(+)</p>	<p>Yavutse mu 1956 Se : SIBOMANA Charles Nyina : Nyirabahumbyi Therese Akarere : Nyanza Umurenge : Ntyazo Akagari : Bugali Umudugudu:Kabusheja</p> <p>Yashakanye na Mujawamariya Immaculée mu mwaka 1987 babyaranye abana batatu abahungu babiri n'umukobwa umwe bose bariho.</p>	<p>Kabera Callixte yabaye umusirikare wa Ex FAR, yaratotejwe kugeza yirukanwe mu gisirikari yitwa ko ari icyitso cy'Inkotanyi.</p> <p>Imbunda yahawe nk'uwahoze mu gisirikare ngo afashe abandi gukora Jenocide yakorewe Abatutsi, yayifashishije mu kurinda abaturanyi b'Abatutsi bamuhungiyeho. Yaje kwicwa, interahamwe zibona uko zica abo yarwanyeho igihe kirekire.</p>
6	<p>MPANKIRIHO FREDERIC(+)</p>	<p>Se: RUNANIRABAGABO</p> <p>Nyina: Bernadette</p> <p>Yashakanye na Uzamukunda Steriya, babyarana abana 7, abakobwa 4 n'abahungu 3. Bose barubatswe.</p> <p>Yavukiye:</p> <p>Akarere: NyanzaUmurenge: Cyabakamyi</p> <p>Akagari: NyaruramaUmudugudu: Kabyuma</p>	<p>Mpankiriho Frederic yahishe abamuhungiyeho mu gihe cya Jenocide yakorewe Abatutsi, muri 1994 yagerageje kubarwanaho atanga amatungo n'amafaranga, ariko abicanyi babirengaho bamwicana n'umugore we n'abamuhungiyeho bose.</p>

ABARINZI B'IGIHANGO 2015-2016 KU RWEGO RW'IGIHUGU



7	<p>PADIRI NIYOMUGABO JOSEPH (+)</p> 	<p>Yavutse 1941 mu cyahoze ari Komini Muko, Perfegitura ya Gikongoro Se: Niyibizi Nyina: Anastasie Nyirambibi Yavukanye n'abavandimwe 5, abakobwa 3 n'abahungu 2. Yize seminari ntoya I Kabgayi kuva 1956, Seminari nkuru ayiga Orval, mu Ububirigi, yiga philosophy akomereza I Roma. Aho yize theology. Yahawe Ubusaserdoti kuwa 28 Nyakanga 1968, Orval mu Ububirigi. Yakomereje amashuri mu Ubufaransa, Strasbourg aho yakuye impamyabushobozi y'ikirenga mundimi.(MA)</p>	<p>Mu gihe cya Jenoside, Padiri NIYOMUGABO Joseph yari Padiri Mukuru wa Paruwasi ya Cyanika. Yanze gusiga Impunzi z'Abatutsi zari zamuhungiyeho n'ubwo na we yahigwaga. Ubwo bashakaga kumuhungishiriza kuri Diyoseze ya Gikongoro yarabyanze, agumana n'abamuhungiyeho, akomeza kubarwanaho abashakira ibibatunga kugeza ubwo bamwicanye na bo.</p>
---	--	--	--

ABARINZI B'IGIHANGO 2015-2016 KU RWEGO RW'IGIHUGU



8	MUNYURABATWARE SOSTENE(+)	<p>Yavutse mu 1947 Se: Ngirumpatse Nyina: Kangeyo Marthe, Yavukiye mucyahoze ari Komini Kanama, Perefegitura ya Gisenyi. Ubuni: Akarere: Rutsiro, Umurenge: Musasa, Akagari: Nyarubuye, Umudugudu: Murambi.</p> <p>Yashakanye na Mukamusoni Belia wapfuye muri Nyakanga 1994 avuye mu buhungiro muri Congo, Sostene yabyaye abana 8, umwe yitabye Imana muri 1997</p>	<p>Munyurabatware Sostene yishwe azira ibikorwa byo kurokora Abatutsi bahigwaga mu gihe cya Jenoside, akaba yarabambutsaga abajyana ku Idjwi akoresheje ubwato.</p>
9	MUNYAKAYANZA LEOPOLD(+)	<p>Yavutse: 1952 Amazina y'ababyeyi Se: Nsekanabo Nyina: Nyiramondo Aho yavukiye Akarere: Rutsiro Umurenge: Musasa Akagari: Nyarubuye Umudugudu: Rebero Yashakanye na Nyinawankusi Annonciatha, babyarana abana batandatu: abahungu babiri n'abakobwa bane</p>	<p>Munyakayanza Leopold yapfuye yishwe kubera gukora ibikorwa byo gutabara abahigwaga mu gihe cya Jenoside yakorewe Abatutsi, akaba yarabambutsaga abajyana ku Idjwi akoresheje ubwato.</p>
10	NTAWURYERERA ISAACAR(+)	<p>Yavutse: 1963 Amazina y'ababyeyi Se: Ikiribera Nyina: Nyirakanani Aho yavukiye Akarere: Karongi Umurenge: Gishyita Akagari: Munanira Umudugudu: Bweramvura Yashakanye na Kantama Epiphane mu mwaka 1980 babyarana abana 4 b'abahungu. Umugorewe n'abana be 4 baracyariho.</p>	<p>Mu gihe cya Jenoside Yakorewe Abatutsi, Ntawuryerera Isaacar yahungishije Abatutsi benshi mu bwato abajyana ku Idjwi, noneho Burugumetiri aramubuza aranga. Uwari Konseye na we aramubuza aranga, akomeza kubajyana. Ku itariki ya 8 Gicurasi, Burugumesitiri Karasankima n'abandi bantu benshi barimo Mika baramuteye iwe mu rugo, baramufata, baramwica bamuziza ko yambutsa Abatutsi akabajyana mu cyahoze ari Zaire ubu ni muri</p>





ABARINZI B'IGIHANGO 2015-2016 KU RWEGO RW'IGIHUGU

			Repubulika Iharanira Demokarasi ya Congo.
11	<p>MAMA KAMUZIMA MARCIANA</p> 	<p>Yavutse: 1936 Se:Gihimbi Simon Nyina: Nakure Catherine Aho yavukiye Akarere: Nyamasheke Umurenge: Kagano Akagari:Ninzi Umudugudu: Ninzi Yihaye Imana mu muryango w'Abapenitente ba Mutagatifu Fransisko wa Assize. Aho atuye Akarere: Nyamasheke Umurenge: Shanghi Akagari:Shanghi Umudugudu: Busasamana Ubu ari mu kiruhuko cy'izabukuru aba mu kigo cy'ababikira ba penitente ba S^t Francois d'Assise i Shanghi</p>	<p>Mama Kamuzima Marcienne yagaragaje ubutwari mu gihe cya Jenoside yakorewe Abatutsi muri 1994 kandi na we yarahigwaga. Nyamara yanze gusiga abantu bari bamuhungiyeho mu kigo yari ayoboye cy'ababikira b'Abapenitente cya Shanghi n'abari bahungiyeho kuri Paroisse Gatolika ya Shanghi; akabashakira ibyo kurya n'imiti yo kubavura.</p>
12	<p>Dr. HABYARIMANA JEANBAPTISTE(+)</p> 	<p>Yavutse: 14/03/1950 Se: Nkangura Paul Nyina: Mukarweru Thérèse Yavukiye mu cyahoze ari Commune Runyinya, Umurenge wa Mpanda. Ubu ni Akarere: Nyaruguru Umurenge: Kibeho Akagari: Mpanda Umudugudu: Munege Yashakanye na Mukakibibi Josephine Babyaranye abana babiri b'abakobwa. Bose bishwe muri jenoside.</p>	<p>Dr Jean Baptiste Habyarimana yabaye Perefere w'icyahoze ari Perefegitura ya Butare mu gihe Cy'amashyamba menshi muri 1992. Ubwo Jenoside yatangiye, Perefere Jean Baptiste yakoze uko ashoboye ngo ubwicanyi butagera muri iyi Perefegitura. Kugira ngo Jenoside ishoboke muri Butare byabaye ngombwa ko babanza kumukura kuri uyu mwanya. Abari abayobozi bakuru b'Igihugu bagiye gushishikariza abanyabutare kwitabira ubwicanyi. Yanze gusiga abo yayoboraga yemera gufana na bo we n'umuryango we.</p>


ABARINZI B'IGIHANGO 2015-2016 KU RWEGO RW'IGIHUGU

<p>13</p>	<p style="text-align: center;">PADIRI RUGIRANGOGA UBALD</p> 	<p>Yavutse: 16/05/1956 Amazina y'ababyeyi Se: Kabera Jacques Nyina: Mukaruhamya Anysie Yavukiye ahahoze ari muri Perefegitura ya Cyangugu Komini ya Karengera muri Segiteri ya Rwabidege muri Paroisse ya Mwezi Aho atuye Akarere: Rusizi Umurenge: Kamembe Akagari: Karambo Umudugudu: Cyangugu Yahawe ubupadiri mu 1984, Ubu ni umupadiri wa Diyoseze ya Cyangugu ho mu Ntara y'Iburengerazuba.</p>	<p>Nyuma ya Jenoside yakorewe Abatutsi, Padiri Ubald yatangiye gahunda y'isanamitima n'Ubwiyunge muri Paroisse Mushaka. Iyo gahunda yeze imbuto hiryu no hino mu yandi ma Paruwasi. Yahuje abishe n'abiciwe hagamiye komorana ibikomere, kwiwunga ubwabo no kwiwunga n'Imana; yahuje abagombaga kurangirizwa imanza z'imitungo kugira ngo imitungo yishyurwe mu mahoro, kandi abigishijwe bese bagahurizwa mu matsinda y'ubufatanye.</p>
<p>14</p>	<p style="text-align: center;">PADIRI MASINZO JEROME</p> 	<p>Yavutse 30/09/1963 Amazina y'ababyeyi Se: Masinzo Paulin Nyina: Mukarumongi Thérèse Aho yavukiye Akarere: Nyamagabe Umurenge: Kaduha Akagari: Kavumu Umudugudu: Karehe Aho atuye Akarere: Huye Umurenge: Gishamvu Yahawe ubupadiri mu 1988 Ubu ni umupadiri wa Diyoseze ya Butare, akorera ivugabutumwa bwe muri Paruwasi ya Nyumba.</p>	<p>Padiri Masinzo Jérôme yafashije abapfakazi ba Jenoside yakorewe Abatutsi bo mu Murenge wa Karama kwiyakira, kongera kwigiramo icyizere cyo kubaho. Yabafashije kwegerana n'abagore bafite abagabo bafunze bakorera hamwe biteza imbere bakora Ishyirahamwe Ubutwari bwo kubaho ubu rikorere mu Turere twa Huye na Nyaruguru. N'ubwo yabuze abavandimwe muri Jenoside Yakorewe Abatutsi, ntiyaheranywe n'agahinda ndetse agerageza kurema icyizere cy'ubuzima mu bapfakazi yari asanze mu Murenge wa Karama abereka ko n'ubwo igicaniro cyazimye hari ubwo ikara rimwe ryakongera kwatsa umuriro.</p>



ABARINZI B'IGIHANGO 2015-2016 KU RWEGO RW'IGIHUGU

<p>15</p>	<p>UWEMEYIMANA ALOYS</p> 	<p>Yavutse:1962 Amazina y'ababyeyi Se: Minani Jean Nyina: Uzamukunda Marciane Aho yavukiye Mu cyahoze ari Prefegitura ya Cyangugu, Komine Gishoma, Aho atuye Akarere: Gasabo Umurenge: Rusororo Akagari: Kabuga II Umudugudu: Gatare Yashakanye na Musabyemariya Vestine 1986, bafitanye abana batandatu, abahungu batatu n'abakobwa batatu. Umukuru yarashatse, abandi barakiga.</p>	<p>Ibikorwa by'indashyikirwa bya Aloys Uwemeyimana byagaragaye mu gihe cya Jenocide yakorewe Abatutsi, ubwoyitandukanyaga n'abicanyi, akiyemeza gufasha umuntu wese uhigwa, akamufasha kugera hakurya mu gihugu cya Kongo kugira ngo ahunge abicanyi. Yabashije gufasha Abatutsi barenga 118, abageza mu gihugu cya Kongo. Ntibyamworoheye kuko yatangaga amafaranga, akarara agenda kugira ngo bihishwe abicanyi bari hose muri ako karere</p>
<p>16</p>	<p>PADIRI EROS BARILE</p> 	<p>Aho yavukiye Igihugu cy'Ubutariyani, ku itariki ya 23/12/1955. Yabaye padiri mu muryango w'Abarogationiste; Mu mwaka wa 1981, yaje mu Rwanda, Muri 1987 ajya muri Paroisse ya Mugombwa. Muri 1992-1994 yagiye kuyobora ikigo cy'imfubyi cya Nyanza. Ubu asigaye aba i Roma</p>	<p>Mu gihe cya Jenocide Padre Eros Borile yifashishije ikigo cy'imfubyi yayoboraga, ahisha abahigwaga. Yarokoye abantu barenga 800 biganjemo abana bahahungishirizwaga n'ababyeyi babo. Na we ubwe yakoresheje abana batahigwaga agerageza gushakisha abana barokotse akajya abatoragura akabazana mu kigo cye. Yanze gusiga aba bana no mu gihe yari arwaye arembye. Igihugu cye kimusaba gutaha kugeza ubwo bemeye kohereza usigara yita ku bana yari ashinzwe.</p>



ABARINZI B'IGIHANGO 2015-2016 KU RWEGO RW'IGIHUGU

17	<p style="text-align: center;">PADIRI URBANIK STANISLAS</p> 	<p>Ni umupadiri uvuka mu gihugu cya Pologne wo mu muryango w'abaparotini. Yageze mu Rwanda mu mwaka wa 1980, akaba arabaye muri Paruwasi ya Ruhango Diocese ya Kabgayi. Muri 1994 ubwo Jenoside yabaga, ni ho yari akiri Padiri (paruwasi Ruhango) Ubu akaba ari mu gihugu cya pologne</p>	<p>Mu gihe cya Jenoside yakorewe Abatutsi, Padiri Stanislas Urbanik yagize uruhare mu kurokora abantu bagera kuri 500 bamuhungiyeho aho yakoreraga ubutumwa muri paruwasi ya Ruhango. Yanze kubasiga ngo atahwe iwabo ubwo abandi banyamahanga bakuragamo akabo karengwe. Nyuma ya Jenoside yakorewe Abatutsi, yashyizeho gahunda yo gufasha abantu gukira ibikomere no kwiyingira</p>
18	<p style="text-align: center;">RUTAGAYINTABAZA Léonard(+)</p>	<p>Yavutse: 1943 Se: MIKAYIRE Xavier Nyina: BASEKE Christiane Aho yavukiye ari na ho umuryango we utuye kugeza ubu: Intara: Iburasirazuba Akarere: Kirehe Umurenge: Nyarubuye Akagari: Nyarutunga Umudugudu: Rutunga Yashakanye na Niyonzima Niseratha, babyaranye abana 6, ariko hariho bane: abahungu babiri n'abakobwa babiri; Babiri barubatswe abandi babiri babana na nyina. Babiri bandi bitabye Imana.</p>	<p>Rutagayintabaza Léonard yahishe abamuhungiyeho mu gihe cya Jenoside. Yagerageje kubarwanaho mu gihe cy'ibyumweru 2 ariko biranga agambanirwa na murumuna we bamwicana n'abamuhungiyeho bose.</p>


ABARINZI B'IGIHANGO 2015-2016 KU RWEGO RW'IGIHUGU

19	<p style="text-align: center;">PADIRI MARIO Marie Falconi</p> 	<p>Yavutse: 1944 Se: Moïse Falconi Nyina: Rose Vitallin Yavukiye mu Ntara ya Bergamo- Lombardia mu gihugu cy'Ubutaliyani.</p> <p>Muri 1994 yari padiri mukuru wa Paruwasi ya Muhura iherereye mu:</p> <p>Akarere: Gatsibo Umurenge: Muhura Akagari: Kanyinya Umudugudu: Taba</p>	<p>Padiri Mario ni Padiri w'Umutaliyani warokoye abatutsi barenga ibihumbi 3000 bahungiyeye kuri Paruwasi ya Muhura. Yanze kubasiga igihe baje kumuhungisha ngo asubire iwabo mu Butaliyani; akomeza kubana na bo, kubatunga no kubaha imyambaro n'ibindi nkenerwa kugeza amahoro agarutse. Yatabaye abana bari mu kigo cy'imfubyi i Muhura bagera kuri 200 mu gihe cya Jenocide. Yahishe abahigwaga mbere ya Jenocide guhera 1990 arabacumbikira cyane cyane abari baravuye muri Komini Murambi.</p>
20	<p style="text-align: center;">GATOYIRE Damien</p> 	<p>Yavutse: 1940 Se: RUKAZANGOGA Nyina: GASHIRABAKE.</p> <p>Yavukiye mu yahoze ari Komini Rutare (ubu ni Umurenge wa Rutare, mu Karere ka Gicumbi), akaba yarimukiye i Muhura mu mwaka wa 1962.</p> <p>Aho atuye: Akarere: Gatsibo Umurenge: Gasange Akagari : Gasange Umudugudu: Buranke.</p> <p>Yashakanye na Nyiraromba Julienne, babyaranye abana 12, babiri barapfa, 10 bariho, abakobwa 6 n'abahungu 4</p>	<p>Mu gihe cya Jenocide yakorewe Abatutsi, Gatoyire Damien yari Konye wa Segiteri ya Gasange muri Komini Giti, yagize uruhare rukomeye rwo kubuza abatwaga be kwitabira Jenocide yakorewe Abatutsi ahubwo bafatanyaga kurwanya ibitero by'interahamwe zavaga muri Murambi na Gicumbi. Ibi byatumye muri Segiteri yayoboraga nta Batutsi bahagwa kandi yakomeje kubanisha abatwaga mu mahoro.</p>


ABARINZI B'IGIHANGO 2015-2016 KU RWEGO RW'IGIHUGU

<p>21</p>	<p>PADIRI MUNYANEZA Jean Bosco (+)</p> 	<p>Yavutse: 1956 Se: Murekezi Pierre Nyina: Mukandekezi Veridiana.</p> <p>Aho yari atuye mu 1994 ari na ho yapfiriye:</p> <p>Akarere: Kayonza,</p> <p>Umurenge: Mukarange,</p> <p>Akagari: Bwiza</p> <p>Umudugudu: Bwiza</p> <p>Yabaye Padiri mu 1983. Mu 1994 yari umupadiri muri Paruwasi ya Mukarange.</p>	<p>Padiri Munyaneza J. Bosco yanze gusiga abari bamuhungiyeho mu gihe cya Jenoside yakorewe Abatutsi bagera ku bihumbi icumi (10000). Interahamwe zimusabye ko yakwitandukanya na bo, arabyanga avuga ko adashobora kwitandukanya n'intama yaragijwe n'Imana; ko atagomba kuzivamo ahubwo agomba kuzirinda kugeza igihe azinjirije amahoro mu ijuru. Interahamwe zahise zimwicana na bo.</p>
<p>22</p>	<p>MUDENGE Boniface</p> 	<p>Yavutse: 1965 Se: KANABURENGE Thomas Nyina: NYIRAMBABAZI Athalie</p> <p>Aho atuye ari na ho yavukiye: Akarere: Rubavu</p> <p>Umurenge: Bugeshi</p> <p>Akagari: Mutovu</p> <p>Umudugudu: Bugeshi</p> <p>Abana n'umugore we n'abana umunani, abahungu batanu n'abakobwa 3.</p>	<p>Mudenge yamenyekanye mu bikorwa byo kunga imiryango y'abacitse ku icumu rya Jenoside yakorewe Abatutsi mu mwaka wa 1994 n'iy'abayigizemo uruhare. Yagize kandi uruhare mu rugamba rwo kurwanya abacengezi bateraga u Rwanda baturutse muri Repubulika Iharanira Demokarasi ya Kongo mu mwaka wa 1997 na 1998.</p>



ABARINZI B'IGIHANGO 2015-2016 KU RWEGO RW'IGIHUGU

23	<p>NTAWURUHUNGA Jean Baptiste (+)</p>	<p>Yavutse: 15/12/1964 Se: NGIRABAKUNZI Nyina: NKURINZIRA Aho yavukiye ari na ho yatabarukiye muri Jenoside yakorewe Abatutsi. Akarere: Rubavu Umurenge: Rugerero Akagari: Kabirizi Umudugudu: Nyamwiri Umugore we yari yaratabarutse mu 1986, babyaye abana 7; abahungu 2 abakobwa batanu. Umwana umwe yapfuye mbere ya jenoside.hariho batandatu</p>	<p>Ntawuruhunga yatabaye Abatutsi bari batangiye kwicwa muri Jenoside yo muri 1994. Yabahaye ubuhungiro. Arabarinda kugeza ubwo interahamwe zaje ari nyinshi zibatera gerenade mu nzu iwe aho bari bikingiranye, zirabakomeretsa, zimena urugi, zinjira mu nzu, ziramufata ziramwica zibona kwica Abatutsi.</p>
24	<p>KARAMAGA Thaddée</p> 	<p>Yavutse: 1955 Se: RUGERO CYANE Fabien Nyina: MUKAMAZERA Judith Aho atuye ari na ho yavukiye: Akarere: Burera Umurenge: Kinoni Akagari: Nkumba Umudugudu: Kabuguma. Yashakanye na Mukasano Drocella akaba afite abana batanu abahungu 2 n'abakobwa 3, bose babana na we, ni we ubatunze.</p>	<p>Yari umusirikare mu kigo cya Kanombe afite ipeti rya Kaporari. Yarokoye abana 2 yasanze mu mirambo y'abiciwe ku mpande z'urugo rwa Habyarimana Juvenal indege ye ikimara kuraswa. Yahishe Umurambo w'Uwiringiyimana Agathe amaze gutegekwa kuwuhamba vuba kandi adashyizeho umusaraba. Mbere yo kuva mu kigo cya Kanombe, isanduku yari yashyizemo umurambo w'Uwiringiyimana Agathe yayanditseho amagambo akurikira: Premier Ministre Uwiringiyimana Agathe.</p> <p>Yahishe abana 5 b'umuturanyi we akajya abagemurira ibyo akuye mu gisirikari. Yahunganye abana bahigwaga 17 muri Kongo, abarwanaho abatahukana bose. Yafatanyije n'ingabo z'Igihugu kurwanya abacengezi.</p>



ABARINZI B'IGIHANGO 2015-2016 KU RWEGO RW'IGIHUGU

25	<p>HABUMUGISHA Aaron</p> 	<p>Yavutse : 1976 Se: NDEKEZI Petero Nyina: NYIRABUNYENZI Belia Yashakanye na Mukamwiza Patricie mu 2002. Babyaranye abana 3 b'abakobwa. Aho yavukiye ari na ho atuye: Akarere: Gakenke Umurenge: Ruli Akagari: Busoro Umudugudu: Kibirizi</p>	<p>Habumugisha Aaron yitandukanije n'ibikorwa bya Jenoside yakorerwaga Abatutsi mu 1994 afite imyaka 18 bituma abihishe muri serire yari atuyemo barokoka kandi akomeje gufatanywa n'abaturage kwikemurira ibibazo by'imibereho n'imibanire abicishije mu mashyirahamwe.</p>
26	<p>BARANGWANZARE ELIEZEL(+)</p>	<p>Yavutse: 1948 Se: Rudahunga Nyina: Nyirampuhwe Aho yari atuye ari na ho yavukiye: Akarere: Gakenke Umurenge: Muyongwe Akagari: Nganzo Umudugudu: Vuga ngomaUwmukecuru bashakanye ariho, babyaranye abana batatu abahungu babiri n'umukobwa umwe bose bariho. Babiri barashatse, abana n'umuto w'umuhungu.</p>	<p>Barangwanzare Eliezel yari umuyobohe wa MRND wanze kwiga imbunda ari responsible wa serile Vugangoma. Yarwanye ku bana 2 bahungiyeye muri serile ye bakurikiwe n'igitero kivuye muri serile Kabingo.</p> <p>Yakanguriye abaturage be kutitabira ibikorwa by'ubwicanyi muri Jenoside. Yabayeye konseye wa segiteri Ngazo mu 1995 arwanya abacengezi anabishishikariza abaturage yayoboraga. Yaje kwicwa n'abacengezi urw'agashinyaguro.</p>


ABARINZI B'IGIHANGO 2015-2016 KU RWEGO RW'IGIHUGU

<p>27</p>	<p>Musenyeri NZAKAMWITA Servilien</p> 	<p>Yavutse: 1943 Nyina: Kanakuze Dancilla Se: Karenzi Petero Aho abarizwa: Akarere: Gicumbi Umurenge: Byumba Akagari: Umudugudu: Nyiragasuruba Aho yavukiye: Akarere: Nyagatare Umurenge: Kiyombe Akagari: Kagorogoro Umudugudu: Gatsirima</p> <p>Igihe cya Jenoside akoreraga ubutumwa mu iseminari ntoya ya Rutongo, Yabaye Musenyeri wa Diyosezi ya Byumba mu Diyosezi ya Byumba mu 1996 aho yatangiye ibikorwa by'ubumwe n'ubwiyunge.</p>	<p>Nyuma yo kwicirwa umuryango muri Jenoside yakorewe Abatutsi, Musenyeri Nzakamwita yagize uruhare mu kubakira amacumbi Abanyarwanda batari bafite amacumbi batahutse bava muri Uganda, Tanzaniya n'abari bahasanze kandi harimo n'abamwiciye. Bityo, aboneraho kubigisha agaciro k'ubumwe n'ubwiyunge.</p>
<p>28</p>	<p>UWAMAHORO Gráce</p> 	<p>Ntiyigeze amenya amazina y'abayeyi be bwite kuko yamenye ubwenge arerwa na nyirakuru na sekuru, akaba ari bo azi nk'abayeyi be.</p> <p>Sekuru: Murekezi Jean Marie Vianney Nyirakuru: Kampile Leocadia Aho atuye: Akarere: Nyarugenge Umurenge: Nyamirambo Akagari: Kiberinka Umudugudu: Rugarama</p> <p>Ubu arubatse afitwe, umugabo n'abana babiri n'uwo wa gatatu yatabaye ari uruhinja muri Jenoside. akaba akimurera kugeza ubu.</p>	<p>Mu gihe cya Jenoside yakorewe Abatutsi ari mu kigero cy'imyaka 11 y'amavuko, yahunganye umwana w'uruhinja yasanze rwonka nyina wari intere amaze gutemagurwa. Yakomeje kumwitaho uko abishoboye n'ubwo yatotezwaga kubera we. Ubu uwo mwana yakuze, yiga muri kaminuza.</p>


ABARINZI B'IGIHANGO 2015-2016 KU RWEGO RW'IGIHUGU

29	<p>MUTEZINTARE GISIMBA Damas</p> 	<p>Yavutse:1961 Se: Gisimba Pierre Chrisologue Nyina: Mukamanzi Dancille Aho yavukiye: Goma, mu Ntara ya Kivu y' Amajyaruguru (Kongo) Aho atuye: Akarere: Nyarugenge Umurenge: Rwezamenyo Akagari: Kabuguru II Umudugudu: Buhoro Arubatse afite umugore n'abana bane, abahungu batatu.</p>	<p>Muri Jenoside yakorewe Abatutsi, abantu bahungiyeye kwa Gisimba yabahishe mu mfubyi zari zihari. Byageze ubwo bashakira kumwicisha bavugaga ko abitse inyenzi, ariko agenda arusimbuka.</p> <p>Mu kigo cye harokokeye abasaga 400. Nyuma ya Jenoside yakorewe Abatutsi yakomeje kwakira imfubyi, kuzirihira amashuri ndetse n'ubu bamwe yarabashyinyiye, barasurana, ni we wakomeje kubabera umubyeyi n'iyi babyaye arabahemba.</p>
30	<p>MUKANKAKA Rose</p> 	<p>Yavutse: 1950 Se : Rwasiba Oscar Nyina : Kamunazi Priscille Aho yavukiye Akarere: Karongi Umurenge: Murambi Ubu ni umukuru wa Association "MWANA UKUNDWA". Aho atuye : Akarere: Kicukiro, Umurenge: Kigarama, Akagari: Bwerankori, Umudugudu: Nyenyeri Yashakanye na Gakwandi Pierre babyaranye abana barindwi abahungu banen'abakobwa batatu. umugabo we yapfuye nyuma ya Jenoside</p>	<p>Muri 1994, MUKANKAKA Rose yashinze ASSOCIATION MWANA UKUNDWA (AMU) igamije gushyira hamwe no gufasha abana b'imfubyi bari bafite ibikomere binyuranye n'ihungabana bari ku mihanda nyuma ya Jenoside. AMU yaragutse ubu ikorera mu uturere 5 ari two Huye, Karongi, Kicukiro, Gisagara na Kayonza.</p>

ABARINZI B'IGIHANGO 2015-2016 KU RWEGO RW'IGIHUGU

31	<p style="text-align: center;">MUREBWAYIRE Joséphine</p> 	<p>Yavutse: 1954 Se: Mutabaruka Tharcisse Nyina: Busane Thérèse Aho yavukiye Akarere: Kamonyi Umurenge: Mugina Yashakanye na Nkundabarashi Didace mu 1974. Babyarana abana 6. Abahungu 3 n'abakobwa 3. Umugabo we n'abana be barishwe muri jenocide asigara wenyine. Aho atuye: Akarere: Gasabo Umurenge: Kimironko Akagari: Nyagatovu Umudugudu : Itetero</p>	<p>Muri Mata 1994, Murebwayire Josephine yiciwe umugabo n'abana 6 nawe bamusiga bazi ko yapfuye. Nyuma ya Jenocide yakorewe Abatutsi ntiyaheranywe n'ibyamubayeho, ahubwo yagerageje kwiyubaka anafasha abandi bahuye n'akaga nk'ake kwiyubaka no kudaheranwa n'agahinda.</p>
32	<p style="text-align: center;">MUNYAKAZI Ramadhan(+)</p>	<p>Yavutse: 1952 Se: Kamonyo Nyina: Mukamurefu Elvanie Aho yavukiye ari na ho umugore we utuye :Akarere : Gasabo Umurenge : Gikomero Akagari : Kibara Umudugudu : Nombe. Yatabarutse muri Jenocide, asiga umugore n'umwana umwe w'umuhungu, bo bariho.</p>	<p>Munyakazi Ramadhan yambukije Abatutsi bahigwaga, abajyana hakurya ya Muhazi mu cyahoze ari Komini Giti, agakurikirana n'ubuzima bwabo kugeza ubwo interahamwe zibimuzijije. Yishwe ubwo yari avuye kwambutsa ikindi cyiciro aje gufata abandi nyuma yo kugambanirwa na murumuna we wari interahamwe.</p>

ABARINZI B'IGIHANGO 2015-2016 KU RWEGO RW'IGIHUGU

33	<p>Pasiteri RENZAHO Sostène(+)</p>	<p>Yavutse: 1960 Se: Rukizangabo John Nyina: Nyirabwire Anastasie Aho yavukiye: Akarere: Gatsibo Umurenge: Muhura Akagari: Mamfu Umudugudu: Kaziga Yashakanye na Mukakalisa Clotilde mu 1993. Yicanywe n'Umugore we atwite inda ya mbere muri Jenoside. Aho yari atuye mu gihe cya Jenoside yazize: Akarere: Gasabo Umurenge: Rusororo Akagari: Ruhanga Umudugudu: Nyagacyamu</p>	<p>Pasiteri Renzaho yanze kuvangura abakrisitu b'abahutu n'abatutsi mu urusengeru ngo babone uko bica abahigwaga nkuko interahamwe zabimusabaga mu gihe cya Jenoside. Hanyuma interahamwe zimwica urubozo. Mbere yo guterwa n'igitero cy'interahamwe Musenyeri yari yamwoherereje imodoka inshuro 2 ngo ahunge n'umuryango we ariko arabyanga avuga ko atasiga intama yaragijwe n'Imana.</p>
34	<p>PADIRI MARIUS Dion Gille</p> 	<p>Aho atuye Akarere: Gasabo Umurenge: Kacyiru Akagari: Kamatamu. Ni umupadiri wo mu muryango w'ababaminikani, ukorera ubutumwa muri paroise ya Kacyiru, chapelle ya Mutagatifu Dominiko.</p>	<p>Yahishe abantu mu gihe cya Jenoside Yakorewe Abatutsi akabagaburira, akanabavuzza. Yahoraga ahanganye n'Interahamwe zashakaga kwinjira mu kigo akazemeza ko nta bantu bahari, ubundi akaziha amafaranga zikagenda. Ubwo ingabo za RPA zafataga Kacyiru, zasanze abantu basaga 30.</p> <p>Ku itariki ya 11/04/1994, ni bwo ingabo za RPA zabakuye mu kigo zibajyana mu bitaro by'Umwami Faysal. Nyuma yakomeje gufasha abakene n'imfubyi, abagoboka mu byo kurya n'imyambaro.</p>

ABARINZI B'IGIHANGO 2015-2016 KU RWEGO RW'IGIHUGU